

大毘婆沙論

籍
才一百八十七

三百九十
勤七

50617



阿毗達磨大毗婆沙論卷第一百八十七

動

五百大阿羅漢等造

三藏法師

玄奘奉

詔譯

見蘊第八中念住納息第一之一

有四念住謂身受心法念住如是等章及解
章義既領會已應廣分別問何故作此論答
為欲解釋契經義故如契經說有四念住謂
身念住乃至法念住雖作是說而不分別若
修身念住彼受耶乃至廣說彼經是此論所
依根本彼所不分別者今盡應說故作斯論
然佛說有三種念住一自性念住二相雜念
住三所緣念住於何處說自性念住耶答如
契經說有一趣道能令有情清淨超滅憂苦

謂四念住何等爲四謂於身循身觀念住乃至於法循法觀念住復何處說相雜念住耶
答如契經說若有說善法聚者即四念住是爲正說所以者何淳具圓滿善法聚者唯四念住何等爲四謂於身循身觀乃至廣說復何處說所緣念住耶答如契經說若有說一切法即四念住是爲正說所以者何具足攝受一切法者惟四念住何等爲四謂於身循身觀念住乃至廣說此中三經標句如其次第別說自性相雜所緣念住釋句皆說自性念住以循觀言俱目慧故問何故世尊於標句中或說自性念住或說相雜念住或說所

緣念住於釋句中唯說自性念住耶答欲令
勝義念住無失壞故念住有二種一勝義二
世俗自性念住是勝義餘是世俗勝義念住
於一切時不可失壞故佛於釋句中皆說自
性有說由自性念住力故相雜所緣說名念
住有說欲顯三種念住俱以慧為自性故謂
一慧性由俱有法相雜助伴能有所作即名
相雜念住由所緣力能徧隨觀即名所緣念
住由佛於契經中說此三種念住故阿毗達
磨者亦於處處依三種念住而作論去何知
然如說去何身念住謂緣身慧乃至去何法
念住謂緣法慧是謂說自性念住處此即契

經所說有一趣道乃至廣說如說去何身念
住謂身增上道所生有漏無漏善乃至去何
法念住謂法增上道所生有漏無漏善是謂
說相雜念住處此即契經所說善法聚者即
四念住乃至廣說如說去何身念住謂十色
處及法處所攝色去何受念住謂六受身去
何心念住謂六識身去何法念住謂受蘊所
不攝非色法處是謂說所緣念住處此即契
經所說一切法者即四念住如是阿毗達磨
所說與契經相應是故此中亦依三種念住
而作論

問世尊爲何等有情說自性念住乃至爲何

等有情說所緣念住耶荅爲即愚彼三種有情說三念住謂愚自性念住者爲說自性念住乃至愚所緣念住者爲說所緣念住復次有情行有差別謂初業等爲初業者說所緣念住爲已習行說相雜念住爲已超作意說自性念住復次有情樂欲有差別謂廣略中樂略者爲說自性念住樂中者爲說相雜念住樂廣者爲說所緣念住復次有情根有差別謂利中鈍爲利根說自性念住爲中根說相雜念住爲鈍根說所緣念住復次有情智有差別謂開發生智分別生智引導生智開發生智爲說自性念住分別生智爲說相雜

念住引導生智爲說所緣念住爲如是等所
化有情故佛說此三種念住

問此三念住誰斷煩惱答惟相雜念住能斷
煩惱非餘問何故自性念住不能斷煩惱耶
答若離助伴惟慧不能斷煩惱故問何故所
緣念住不能斷煩惱耶答彼作意普散故惟
揔略所緣作意能斷煩惱問何故相雜念住
能斷煩惱耶答具二緣故謂攝受助伴故及
揔略所緣作意故問若尔修餘念住應成無
用答彼能引發相雜念住非爲無用有說斷
有二種一暫時斷二究竟斷修餘念住能暫
時斷故非無用相雜念住復有三種謂聞思

修所成差別問此三何者能斷煩惱答修所
成能斷煩惱非餘問何故聞所成不能斷煩
惱耶答此必依名乃於義轉惟不待名於義
轉道能斷煩惱問何故思所成不能斷煩惱
耶答由此作意是不定地所攝故惟定地所
攝道能斷煩惱問何故修所成能斷煩惱耶
答具二緣故謂不待名於義轉故及定地所
攝故問若介修餘二種應成無用答彼能引
發修所成故謂聞所成能引發思所成思所
成能引發修所成修所成能斷煩惱故非無用
有說斷有二種如前廣說修所成念住復有
四種謂身受心法問此四何者能斷煩惱答

法念住能斷煩惱非餘問何故前三念住不能斷煩惱耶答彼是自相作意所攝故惟共相作意所攝道能斷煩惱有說彼一一蘊各別緣故要摠緣四蘊五蘊或雜蘊道能斷煩惱問若尔修前三種應成無用答能引發法念住故謂身念住能引受念住受念住能引心念住心念住能引法念住法念住能斷煩惱故非無用有說要先分別諸蘊後方能摠緣而斷煩惱故非無用有說斷有二種如前廣說法念住復有二種一雜緣二不雜緣若緣想行蘊及無爲名不雜緣若於五蘊或二二緣或三三緣或四四緣或五摠緣及無爲名爲雜

緣問此中何等法念住能斷煩惱荅二俱能
斷謂若緣苦集道諦斷煩惱道是雜緣法念
住若緣滅諦斷煩惱道是不雜緣法念住
此中或摠說一念住謂大地法慧慧根慧力
正見擇法覺支或說二謂有漏無漏縛解繫
不繫或說三謂軟中上品或聞思修所成或
說四謂身受心法或說五謂三界繫學無學
或說六謂有漏無漏各有軟中上品或說八
謂身受心法各有有漏無漏或說九謂軟中
乃至上上或說十二謂身受心法各有軟中
上品復有別說十二如契經說於內身住循
身觀於外身住循身觀於內外身住循身觀

如身三種乃至法亦尔或說十八謂有漏無漏各有軟軟乃至上上品或說二十四謂身受心法軟中上品各有有漏無漏或說三十六謂身受心法各有軟軟乃至上上品復有別說三十六如契經說於內身住猒逆想於內身住不猒逆想於內身住俱離捨正念正知如於內身於外身內外身亦尔如於身有九乃至於法亦尔或說七十二謂身念住有漏無漏各有軟軟乃至上上品如身念住有十八乃至法念住亦尔若約相續刹那分別則有無量念住問若尔者世尊何故於一等廣說四念住於無量略說四念住耶荅為對治

四顛倒故謂對治於不淨淨想顛倒故說身
念任對治於苦樂想顛倒故說受念任對治
於無常常想顛倒故說心念任對治於無我
我想顛倒故說法念任有說爲對治四食故
謂對治段食故說身念任對治觸食故說受
念任對治識食故說心念任對治意思食故
說法念任有說爲對治四識任故謂對治色
近行識任故說身念任對治受近行識任故
說受念任對治任彼識故說心念任對治想
近行行近行識任故說法念任有說爲對治
五蘊故謂對治色蘊故說身念任對治受蘊
故說受念任對治識蘊故說心念任對治想

蘊行蘊故說法念住有說爲對治四種不修
故謂對治不修身故說身念住對治不修戒
故說受念住對治不修心故說心念住對治
不修慧故說法念住有說與四修同法故說
四念住謂與修身同法故說身念住與修戒
同法故說受念住與修心同法故說心念住
與修慧同法故說法念住
問念住以何爲自性爲以念爲以慧耶若以
念者此說云何通如說於身循身觀乃至廣
說若以慧者何故名念住又契經說當云何
通如說於何處應觀念根謂於四念住答應
說慧爲自性問若亦何故名念住耶答念於

此住等住各住故名念住。如象馬等所住處名象馬等住。此亦如是有說。此由念力能於所緣起差別廣博作用而不失壞故名念住。有說由念力故此瑜伽師審記所緣於所緣境忘已還憶故名念住。有說此修行者於所緣中先以念安住然後觀察復於所緣先通達已後以念安住爲守護故如守門者故名念住。有說此修行者於所緣境先以念攝持後以慧觀察而斷煩惱譬如田夫先以左手攬取草等後以右手執鎌刈之。此亦如是故名念住。有說此瑜伽師被念鎧甲於心相續上執慧刀仗在生死陣中不爲煩惱怨所降。

伏而能降伏於彼故名念住有說爲遮取自
性過故說名念住若名慧住者便有取自性
過失有說爲顯非唯自性能有所作故名念
住由是等緣但名念住不名慧住問契經所
說復云何通如說於何處應觀念根謂於四
念住答以念根於念住位作用增上故作是
說如信根於四證淨位作用增上故佛復說
於何處應觀信根謂於四證淨如是精進根
於四正斷定根於四靜慮慧根於四聖諦亦
尔故世尊乃至復說於何處應觀慧根於四
聖諦此亦如是是謂念住自性
已說自性所以今當說何故名念住念住是

何義答念於此任等任各位廣說如前已摠
說念任所以一一所以今當說問何故名身
念任答此念任緣身故名身念任問餘念任
亦緣身謂受念任緣六受身心念任緣六識
身法念任緣六想身六思身等何故不皆名
身念任耶答此中所說緣身者謂緣色身餘
念任緣非色身故不名身念任有說若緣麤
顯易見現見身者名身念任餘念任緣微隱
難見難覺不現見身故不名身念任有說若
所緣身是極微聚所成者彼名身念任餘所
緣身非極微聚所成故彼不名身念任有說
若緣於身而能知所知俱時生者名身念任

餘雖緣身而能知所知不俱生故不名身念
住雖法念住中有俱生者以少故不說如緣
身故名身念住如是緣受故名受念住緣心
故名心念住緣法故名法念住問一切皆是
法一切皆惟有法故何故惟一各法念住非
餘耶答雖一切皆是法而但立一為法念住
如十八界皆是法而但立一為法界十二處
皆是法而但立一為法處如法界法處如是
法智擇法覺支法隨念法證淨法無礙解法
實法歸亦亦有說法念住有一名餘念住有
二名有說法念住有共名餘念住有共不共
名有說一切有為法由生所起生是彼所緣

故名法念住有說一切法由名所顯名是彼
所緣故名法念住有說諸有爲相是一切有
爲法之標幟印此諸相墮在彼所緣中故名
法念住有說空解脫門覺諸法法性此空攝
在彼所緣中故名法念住問若尔者薩迦耶
見亦覺諸法補特伽羅性何故不依彼立名
耶荅彼非真實覺此是真實覺故無有過有
說慧能分別諸法自相共相安立諸法自相
共相損害事愚及所緣愚於諸法中不增減
轉此慧墮在彼所緣中故名法念住有說滅
諦涅槃是勝義法常住不變此法攝在彼所
緣中故名法念住有說此念住能緣多法謂

色非色相應不相應有所依無所依有行相
無行相有所緣無所緣有警覺無警覺是故
名法念住有說身念住緣身不緣緣身慧受
念住緣受不緣緣受慧心念住緣心不緣緣
心慧法念住緣身亦緣緣身慧緣受心法亦
緣緣受心法慧是故惟此名法念住有說身
念住緣身不緣緣身生老無常受念住緣受不
緣受生老無常心念住緣心不緣心生老無
常法念住緣身亦緣緣身生老無常緣受心法
亦緣受心法生老無常是故惟此名法念住
有說齊此諸瑜伽師我想一合想皆得止息
法想差別想修習圓滿故名法念住謂瑜伽

師分析身已便計受爲我分析受已便計心
爲我分析心已便計法爲我分析法已便知
一切非我有情惟空行聚是故齊此法想圓
滿名法念住已說念住一一所以彼次第今
當說何故世尊先說身念住乃至後說法念
住耶答顯示隨順故謂若如是次第顯示則
於文字言說隨順有說說受隨順故謂若作
如是次第則於師說及弟子受皆得隨順有
說此依生起次第故次第有三種一生起次
第二顯示次第三現觀次第生起次第者如
此念住及靜慮無量無色解脫勝處徧處等
顯示次第者謂正斷神足根力覺支道支等

現觀次第者謂四聖諦以瑜伽師先起身念
住故佛前說乃至後起法念住故佛後說問
因論生論何故諸瑜伽師先起身念住乃至
後起法念住耶答依麤細次第故謂五蘊中
色蘊最麤故先觀察起身念住四無色蘊中
受蘊最麤故次觀察起受念住問受等無方
所如何可施設麤細耶答雖無方所麤細而
有行相麤細亦可施設此中受行相麤如說
我手足等痛又說我受如是如是苦故受等
蘊雖非色而如色施設麤細四無色蘊中識
蘊最細而先想行蘊觀察起心念住者以想
行蘊與涅槃最微細法合施設故彼最後觀

察起法念住有說從不可知本際已來男爲
女色女爲男色是生染處故先觀色起身念
住染著此色由貪樂受故次觀受起受念住
貪樂由於心不調伏故次觀心起心念住心
不調伏由煩惱未斷故最後觀法起法念住
有說以色可施設有增減有取捨相似相續
故先觀色起身念住於觀色時起身輕安及
心輕安由此爲先引起樂受故次觀受起受
念住於觀受時引起勝義境界了別故次觀
識起心念住彼作是念若處起心亦起心所
故最後觀法起法念住有說身愚能持受愚
乃至心思能持法愚非身愚不轉能轉受愚

乃至非心愚不轉能轉法愚故四念住如是
次第起有說身不愚能引受不愚乃至心不
愚能引法不愚非身不愚不起能起受不愚
乃至非心不愚不起能起法不愚故四念住
如是次第起有說身觀能引受觀乃至心觀
能引法觀非身觀不起能起受觀廣說如上
有說身觀與受觀爲因爲根爲眼爲導爲漸
爲能作爲緣生爲起集爲等起受觀與心觀
心觀與法觀亦尔餘如前說有說身觀與受
觀爲加行爲門爲依乃至心觀與法觀亦尔
餘如前說有說身觀與受觀爲依止爲迹處
乃至心觀與法觀亦尔餘如前說問若尔身

觀復以誰為依止迹處耶。答以先所得奢摩
他相為依止為迹處。如說彼先得不動奢摩
他故身輕軟相從。足至頂周徧積聚。由此能
起身念住。乃至法念住。有說彼於相續中分
別諸處起四念住。謂瑜伽師先欲知諸色處
故先分別十色處。及法處所攝色。是故先起
身念住。次即於法處分別諸受。故次起受念
住。次即於法處分別想行蘊。及三無為。故次
起法念住。彼復作是念。除此有何。即如實知
餘有意處。由此即分別意處。故最後起心念
住。諸瑜伽師若依自相觀。則先起法念住。後
起心念住。若依共相觀。則先起心念住。後起

法念住故四念住如是次第起

問爲先起緣內念住爲先起緣外念住耶若
余有何過若先起緣內念住者經說云何通
如說新學苾芻具淨尸羅意樂圓滿欲疾除
斷欲貪瞋者應往澹泊路詣死屍所善取其
相或青瘀或膿爛乃至廣說若先起緣外念
住者餘經說復云何通如說先於內身住循
身觀次於外身乃至廣說答應作是說先起
緣內念住所以者何以有我故有我所所有我
執故有我所執有我見故有我所見有五我
見故有十五我所見有我愚故有我所愚有
我愛故有衆具愛爲長養內我求外資具故

問若尔前所引經云何通答彼是念住加行
非根本念住云何知然即彼經說善取相已
速還本處憶念先所取相若能者善若不能
者復往屍所更善取相馳還本處洗足入房
敷座而坐以勝解作意令所取相明了現前
是名念住加行若時以外所取相置於內身
而觀察者乃名入根本念住有說彼契經說
果勝作意非念住位云何知然即彼經說彼
新學苾芻得學意已若欲往澹泊路者隨欲
而往此中新學苾芻即預流者及一來者故
知彼契經說果勝作意非念住位
如契經說於內身住循身觀於外身住循身

觀於內外身住循身觀乃至廣說問此中何者名內身等何者名外身等答自相續所攝色名內身他相續所攝色及非有情數色名外身內法外法說亦尔自相續所攝受名內受他相續所攝受名外受內心外心說亦尔有餘師說有情數色名內身非有情數色名外身內法外法說亦尔受心如前說脇尊者言現在名內過去未來及無為名外問何故現在名內過去未來及無為名外耶答以現在法多今有情攝受貪著非過去未來及無為故此中於內身住循身觀者住內身自相觀於外身住循身觀者住外身自相觀於內

外身任循身觀者任內外身共相觀乃至法
亦尔有說於內身任循身觀者任內身廣觀
於外身任循身觀者任外身廣觀於內外身
任循身觀者任內外身略觀乃至法亦尔有
說於內身任循身觀者對治我執於外身任
循身觀者對治我所執於內外身任循身觀
者對治我所執乃至法亦尔如我執我所
執我見我所見說亦如是有說於內身任循
身觀者對治五我見於外身任循身觀者對
治十五我所見於內外身任循身觀者對治
二十種薩迦耶見乃至法亦尔如我見我所
見如是我愚我所愚說亦尔有說於內身任

循身觀者對治我愛於外身任循身觀者對
治眾具愛於內外身任循身觀者對治俱愛
乃至法亦亦問齊何當言身念任乃至法念
任圓滿耶答由二緣故當知圓滿一分別所
緣二善根增分別所緣者謂若時能以刹那
極微分析所緣或准以刹那分析所緣善根

增者謂依下生中然中生上齊此應知念任
圓滿有說由轉加行應知圓滿謂瑜伽師先
分別身分別身已轉身覺慧次分別受分別
受已轉受覺慧次分別心分別心已轉心覺
慧分別於法譬如農夫引水溉田初畦滿已
引溉第二第二滿已引溉第三第三滿已引

既第四此亦如是有說齊怨害相成應知圓
滿怨害相有二種一令不喜樂二令生瞋恚
此中但說令不喜樂名怨害相謂瑜伽師分
別身已便於身不生喜樂而喜樂受等分別
受已復於受不生喜樂而喜樂心等分別心
已復於心不生喜樂而喜樂於法分別法已
便於一切境界不生喜樂應知今時念住圓滿

說一切有部發智大毗婆沙論卷第一百八十七 動

活法二同攬反郎敢 鑣刈上音廉下 鎧苦咳苦

標幟上正作標必苗 分析下先擊反 敬覺二

角音景 澹泊上音淡下音 靛下音 青瘀下反 脅亦虛業反 臨

漑

一古

音愛

既反

畦

音



